

玄覽堂叢書續集

第九冊

古風詩集卷之四

懷陵流寇始終錄卷十一



吳江戴笠松野



崑山吳文脩齡

十一 寅春正月乙丑朔戊辰大賊闖揚天姓名劉國能降
于左良玉辛巳九月死節葉縣者也其黨十四哨五六萬人
多散歸老田：華里眼文燦為國能乞赦罪令得立功自贖
國能曾為庠生被掠入賊不得返正遂以智勇著名性孝婦
降奉其母命也

辛未命山東巡撫顏繼祖防盜徐宿總兵牟文綬防鳳陽倪寵
防河往來曹單尋以五營土盜謀引流寇而河南土盜程良
才又起遂撤繼祖回曹單移倪寵徐州

前歸德推官萬亢吉巡撫玄默劾之罰俸三月適丁憂旨令起
補日降級調用至是史可法以其有異才薦為舒城知縣使
禦賊吏部以前首格之

二月乙未刊賊自陳安趨鹿邑

戊戌河南賊曹恭搖天動復至江北

混十萬敗于熊文燦所遣之兵又敗于陳永福又敗于羅山敗
于堰城己亥攻固始又敗于白廟

廬溪知縣陳惇擊賊于張家山敗之賊傾巢至庚子闖賊陷廬
溪時陝賊盡聚川西洪承疇嚴守要害賊不得掠飢困承疇
伏陝西勤兵于梓潼以四川羸兵誘戰闖賊率群賊逐利入
伏大敗斬千餘級闖賊以殘黨數千北奔

計論曰廬溪宜是
達溪北闖賊敗逃

後事人大言殊皆不足信谷氏曰自成
卧病半年則洪公遂至卷中者誰耶

將擊李文胤遣陳瑄以兵至百丈列營江口劉達兵亦至庚戌
賊圍瑄達于長灘堽文胤遣千總蒙應祿援之○龍安府原
報云賊屯紙房溝割溝係白水對岸官兵已調于廣元僅存
王昌明等六百人洗金灘陳進忠兵五百人不足禦賊故陳
瑄失利于三堆賊過河登嶺由小關而去三堆即長灘堽
壬子蠲漢中逋租仍賑之

癸丑太監劉元斌擊混十萬等賊于郾城

乙卯吉王奏宗人由裕應賊

丁巳總兵黃得功擊賊光山固始間四日三勝得級三千癸巳

又大破賊于舞陽有旨叙賚文燦引為已功上不許討論曰得功固

忠勇然日後戰功皆與中官同事則此亦宜中官主之故叙資如也

是月上分遣京朝官往各省催通賊

三月甲子朔

己巳賊破桐城關箱撫臣史可法遣劉邦域擊走之

九家賊曹恭整齊王搖天動左金玉混世王滿天星過天星

左蜀境南營九條龍等屯于光山固始間熊文燦率總兵左良

玉等擊敗之斬級數千賊奔開順開順在六安西百二十里

西可犯商城南可犯霍山

辛未曹恭等賊從茶山趨霍立為官兵所截走商南

熊文燦調獻忠兵不應

老回自鄖城五溝星橋西走葉縣舞陽

羅山光山塢壁數十民入保者累十萬過天星混十萬曹搃等
五家賊破之無遺盟路息縣光州殺人汝水為赤老回于
黃安之大霧山張旗呼噪聲震原野林城蘄州隨州信陽間
僵尸相屬總理巡撫不以聞兵部侍郎李若星入朝言于上
嗣昌猶以久近為文燦鮮釋

丁丑蜀鎮羅文垣盡撤諸隘守兵于廣元

戊寅寇走階文間

科臣吳宇奏劾孫傳庭縱寇入蜀失于協勦詔總兵曹變蛟堵
截仍命傅庭趨鄆縣策應

時楊嗣昌以勤限踰期上書言奉職無狀薦職方郎趙光抃自
代知上意不次用人以此自媚也上慰勞之即令察行間功

罪乃奏曰總督洪承疇專辦秦賊者也秦賊入蜀時數十萬
出蜀時僅數萬左光先曹變蛟擒斬不過五百人賊之衰滅
乃蜀人功非陝人力而承疇云賊以秦兵至故出蜀賊若畏
秦兵則必東西奔潰何北逆秦軍而出秦軍入蜀則秦路空
虛賊得出其地日嗣

昌兵由襄入蜀賊何以
反破襄陽遂使以此

故無功有罪者承疇也總理熊文燦

辨楚豫江淮之賊者也自安慶出師一月不奏功臣因請旨
督責近日光山舞陽二捷斬馘數千劉國能張獻忠最強已
就戎索其餘以漸招納楚豫可定故有功無罪者文燦也又
謂朱大典過同承疇而功勝之以河撫常道立為功之首其
顛倒是非上亦知之特以秦蜀事煩督過姑用其章削承疇
尚書銓左光先曹變蛟等五級科臣吳宇英奏曰陛下用一

任學而天下知勸處一承疇而天下知懲其傳會時相意如此及六月秦賊又入川三撫傅宗龍自為拮据不歸各于承疇嗣昌譖不得行

夏四月甲午朔混十萬敗于河底孰厘頭負矢走靈寶朱陽山中

龍安府報云乙未官兵追至南龕寺對山劉達李文胤等兵亦至賊分三股迎敵官兵亦分三路劉貴等繇中路沈應龍等繇左路趙士俊等繇右路與賊戰有小捷賊入秦

計論曰宜是二月事

陝西土賊一斗粟為官兵所敗潰入蜀界木橋廣平河等處

賊屯聚信陽羅山射塌天順天王等自二郎坂攻破白雲等寨

茶山在貴州城北東抵英霍六安南及潛山北至商城西接麻

城羅田盤踞百餘里已亥曹椿等攻破六安寨屯于茶山
辛酉張獻忠降于陳洪範據穀城獻忠為賊久有精騎三千分
四營一將其一姓薛歸城人內閣國觀之族子盲一目多
智每勸獻反正保富貴壽考洪範宿將功名在遵化登萊間
中廢黃緣內臣得掛平賊將軍印與文燦同征行初獻賊為
王威部兵與十七人同犯法將斬適洪範見威為之請威曰
三犯姪掠不可恕洪範見獻賊狀頗傑曰此兒可用獨捨之
令自効贖罪威鞭之一日免其死獻賊感洪範甚自稱為父
每食必祝及此洪範久忘之矣獻賊適戰敗乏食其黨多散
去聞洪範在軍中大驚喜飭名姝裝細馬襲竒寶遣人自歸
曰獻忠昔蒙我父賜以命懷恩未報今遇于此天也敢不率

所部隨馬足効死

計論曰洪範輕財又有信思獨主其事不至連禍

洪範以告且言

舊事文燦固畏戰大喜猶挾故智責取金寶鉅萬乃許之遣

監運道張大經往受降適闖賊餘黨攻城夜兩守者急獻賊

襲入之告士民曰闖賊不道夷城邑焚廬舍已發兵逐去今

釋甲歸命爾等無恐遂損其家口于城中言于制府能使鄭

陽襄陽承天德安數百里中無一賊左良玉與巡按林銘球

分巡道王瑞旃欲誘而誅之文燦不可獻忠屯其黨于四郊

名始歸順處曰太平鎮文燦使留精立二萬給餉餘散遣之

報稱皆精兵須十萬人食遣薛盲至都出入相邸偏見群公

皆致厚餽

計論曰此事仿鄭芝龍若文燦不贖貨或不亟叛

賊狡甚制府檄至再拜

嗚咽自白誓以死報文燦銘球皆信之為情官得許

計論曰此時別

賊尚多以賊攻賊使功
高官大能目愛重也

壬子老回：隔裏眼赴木蘭山寨佯請降

丙辰混十萬遣其黨白雲昇至汝州乞降于常道立

洪承疇前自階文還兵知闖賊由松潘走臨洮鞏昌乃西向窮
追之賊出長城入西羗曹變蛟張天祿賈呈芳等大戰羗中
羗人見兵入境官兵與賊遇者即闢諸將既擊賊又禦羗左
右搏鬪不解甲者二十七晝夜賊還入塞變蛟又大戰于洮
河敗之是日傳檄于蜀云出川逐秦之賊已一破之于番地
再破之于洮河八隊六隊一連驚一座城闖將等賊必復竄
入川宜預防守孫傳庭以零賊犯慶陽寶鷄徵兵不時至以
聞嗣昌之徒皆言承疇避賊姚思孝素知承疇亦尤其輕視

根本捷書至上曰吾固知承疇不避賊、又由山徑南走階
文

壬戌文燦遣監軍道張大經於麻城追賊自回光山居中調遣
定師期于五月十三日合勦茶山賊

獻忠索通池陝折閣鄉靈寶新安五州縣處其徒

先是河南湖廣之賊十有五家闖塌天劉國能八大王張獻忠

混十萬馬進忠老回、馬光玉射塌天李萬慶曹搃羅汝才

過天星惠登相革裏眼賀一龍左金王蘭養成九家為著名

又有順天王順義王順天病死順義後為劉喜才所殺更有

安世王胡可受改世王許可變一丈青一條龍王國寧常國

安楊友賢王光恩馬士秀杜應金等諸賊國能獻忠士秀應

金已降曹搽分一文青小秦王一條龍及已為鄖縣四營過
天星王國亭常國安揚友蘭王光恩為均好五營文燦作招
撫心示張之通衢許降者待以不死

是月兵科李燭奏曰賊有三窟北在平涼鳳翔諸山西南在鄖
襄東南在英霍今鄖襄之賊既撫于穀城秦賊自闖將西敗
過混東奔黃龍一戰賊勢披靡餘寇雖逼岷州而督臣洪承
疇駐州徽州鎮臣祖大弼與曹左二帥先後入鞏昌又有臨洮
階州諸部合力夾勦自無難撲滅矣安慶之賊未經大創盤
旋英六之間今禁旅左兵扼之于固始河南總鎮扼之于高
城總理熊文燦扼之于光山羅山賊竄無路倘勦殺未盡非
繇舒桐奔楚必仍入英霍各山當責總理左帥督率合圍以

圖蕩平然欲滅秦寇則潼關一路不可不塞欲殲皖寇則舒城潛山大湖一路不可不塞恐秦寇再奔入豫皖寇再奔入楚則勤蕩未有期耳

時樞臣楊嗣昌奏三月初賊長驅入蜀又返入秦督臣洪承疇率左光先曹變蛟擒斬五百有奇總理熊文燦舞陽光山之戰大奮兵威次則楚撫余應桂斷德安護陵寢戴東旻地方未聞有賊史可法所轄府縣亦無失陷孫傳在陝西賊不敢至商雒

計論曰此月中閩賊為洪公所逐足不傳停方征思謂其寇襄陽走穀城誤也

五月癸亥朔混十萬在朱陽山中常道立招之賊佯許丁卯走棗陽又走唐縣合革裏眼

庚午龍在田許名臣督兵入天井山擊曹搯左金王紫薇星過

天星混世王十反王整齊三等八肢大賊：潰繇岐亭出黃
陂德安復會托天王小秦王整十萬革裹眼射塌天老回
順義王于昇山圍京山縣熊文燦以劉元斌盧九德張大經
將邊兵至南陽合左良玉孔貞會兵冒雨進解京山之圍
乙亥諸路會兵擊曹恹于茶山

辛巳左光先以兵二千擊賊于固原大寨進至秦抵遇六隊而
哨混天王四天王仁義王等千餘賊走礼縣擊斬二十餘級
降混天王仁義王四天王及其黨五百

計論曰有紀于
六月甲午者

茶山賊悉西奔與西賊分道犯承天逼顯陵戊子楚撫余應桂
以

兵

至承天庚寅賊從洋子店奔豐樂河

計論曰西賊軍
即圍京山之賊

其

後兵科姚思孝疏曰文燦受事以來止有舞陽光山二勝至

于茶山合勦明是倖得兩筵吉日徒效揣摩各路進兵總屬
觀望豈可獨効余應桂以卸責應桂不堵黃麻之隙糾叅何
解然于南陽迎頭截殺者理臣也賊欲突南陽則縱火掠殺
矣欲合營屯聚則混十萬與曹搽十三肢首尾呼應矣賊分
犯內地則自唐縣而泌陽而裕州如入無人之境矣理臣身
在事中可責人以飾已乎茶山事紀者不詳留此以參考

六月壬辰朔

楊嗣昌進東閣大學士仍典中樞召吳銓為兵部侍郎

太監劉元斌廬九德報遂平解圍斬獲三千餘

混十萬革裹眼等皆集于唐縣鎮甲午熊文燦師至葉縣保安
驛令監軍張大經與邊將苗有才廬鎮國等自保安發禁旅